



YSGOL GYNRADD PARC Y BONT

Llanddaniel Fab, Ynys Môn, LL60 6HB

☎ 01248 422350 ✉ pennaeth.parcybont@ynysmon.gov.uk

Pennaeth / *Headteacher*: Mr Iwan Wyn Taylor



Medi 10fed 2018

Annwyl Rieni,

Mae pawb bellach wedi setlo'n arbennig o dda yn ôl yn yr ysgol yn dilyn gwyliau'r haf, a chroeso arbennig i griw o blant newydd yn yr ysgol.

Ar ddechrau blwyddyn ysgol fel hyn, hoffwn dynnu eich sylw at y materion pwysig yma ac hyderaf y caf eich cydweithrediad lawn arnynt:

Trefniadau boreau / Clwb Gofal Bore / Clwb Brecwast am Ddim

Mae'r ysgol yn parhau i gynnal **Clwb Gofal Bore rhwng 7.50am a 8.15am** gyda theuluoedd yn talu ffi o £1 y dydd y plentyn sydd i'w dalu ar-lein ar *School Gateway*. Os ydych yn dymuno manteisio ar y clwb brecwast am ddim, yna mae'r clwb yn cychwyn am **8.15am** a bydd brecwast yn cael ei weini hyd at **8.30am** – cofiwch, **ni** dderbynnir plant i'r clwb wedi'r amser yma. Os nad ydynt yn y Clwb Brecwast erbyn 8.30am dylech fod yn ymwybodol nad ydym yn derbyn cyfrifoldeb, nag yn goruchwyllo'r plant cyn 8.40am.

Mae staff yn cyfarch plant a rhieni/gwarchodwyr wrth giatau'r iard. Cofiwch mai rhieni/gwarchodwyr y plant dosbarth Meithrin yn unig sy'n hebrwng eu plant at ddrws y dosbarth.

Monitro Presenoldeb a Phrydlondeb

Rydym yn monitro presenoldeb a phrydlondeb yn ofalus iawn. Mae'r diwrnod ysgol yn dechrau am 8.50am ac fe ofynnaf yn garedig i chi ofalu fod eich plentyn yn cyrraedd yr ysgol yn brydlon. Os yw plentyn yn absennol o'r ysgol gofynnwn yn garedig i chi ffonio'r ysgol cyn 9.00am. Rydym yn monitro presenoldeb disgyblion unigol yn fanwl bob hanner tymor a byddwch yn derbyn adroddiad ar bresenoldeb eich plentyn bob hanner tymor. Gweler y llythyr atodol gan yr Awdurdod Addysg.

Darllen / Cofnodion darllen

Eleni, mae'r ysgol yn rhoi cryn bwyslais ar godi safonau darllen ar draws yr ysgol. Rydym yn gofyn i bob rhiant ddarllen gyda'u plentyn / eu hannog i ddarllen am o leiaf 10 munud bob nos a chofnodi yn eu Cofnod Darllen o leiaf unwaith yr wythnos. Mae hyn yn cynnwys pob plentyn hyd at flwyddyn 6.

Rydym yn gofyn am eich cydweithrediad i ofalu fod eich plentyn yn dod â bagiau darllen i'r ysgol **bob dydd** (Bl.1-6). Byddwn yn gofalu fod llyfrau darllen yn cael eu cludo adref yn ddyddiol.

Taliadau Cinio / Taliadau eraill

Pris cinio eleni yw £2.40 y dydd sydd i'w dalu gan ddefnyddio ein system talu ar-lein drwy 'Schoolgateway' sydd yn eich galluogi i wneud taliadau yn yn uniongyrchol i'r ysgol gan ddefnyddio'ch cerdyn debyd neu gredyd. Mae Cyngor Sir Ynys Môn wedi mabwysiadu polisi "**Talu am ginio ysgol o flaen llaw**" clir o ran darparu a thalu am brydau ysgol. Diben hyn yw sicrhau fod rhieni neu ofalwyr, ag eithrio lle mae hawl i blentyn gael prydau ysgol am ddim, yn talu ymlaen llaw am brydau eu plant. Os ceir dyledion, bydd yn rhaid defnyddio arian o gyllideb yr ysgol i dalu amdanynt. Ni fydd plant yn derbyn pryd ysgol oni bai y talwyd amdano, ac eithrio'r rhai sydd â hawl i brydau ysgol am ddim. Os bydd rhiant yn anghofio talu ymlaen llaw, gall yr ysgol rhoi lwfans dyled o ddeg pryd.

Eleni, mae'r ysgol yn anelu i fod yn gwbl rhydd o arian parod ac felly rydym yn annog rheini i wneud pob taliad ar-lein (heblaw y siop ffrwythau). Os nad oes ganddoch gyfrif talu ar-lein, mae angen i chi gofrestru er mwyn creu cyfrif ar <https://porthysgol.ynysmon.gov.uk/> drwy glicio fel defnyddiwr newydd. Bydd angen i chi roi eich cyfeiriad e-bost a'r rhif symudol **sydd gennym wedi ei gofnodi ar eich cyfer yn yr ysgol**. Cysylltwch â ni os am ragor o arweiniad ar hyn. Mae'r app 'School Gateway' hefyd yn fodd hwylus o wneud taliadau i'r ysgol o'ch ffôn neu dabled.

Llefrith

Mae llefrith yn cael ei gynnig am ddim i blant y Cyfnod Sylfaen. Ni fydd llefrith yn cael ei ddarparu i'r Adran Iau.



Gwisg Ysgol

Taer erfyniaf arnoch i gydymffurfio â'n disgwyliadau parthed y wisg ysgol ac i roi/wnïo enw'r plentyn ar bob dilledyn yn gwbl glir, yn enwedig siwmperi a chardiganau.

Addysg Gorfforol

Cynhelir gwersi addysg gorfforol ar y dyddiau yma:

Meithrin/Derbyn – Dydd Llun

Bl.3 a 4 – Dydd Iau

Bl. 1 a 2 – Dydd Iau

Bl. 5 a 6 – Dydd Gwener

Sicrhewch fod gan eich plentyn siort, crys-T ac esgidiau ymarfer ar gyfer pob gwersi.

Cyfathrebu â rhieni

Byddwn yn anfon negeseuon testun i'ch ffôn symudol i'ch atgoffa o wahanol ddigwyddiadau ac i ddarparu gwybodaeth ar fyr rybudd. Mae nifer fawr ohonoch wedi dewis derbyn llythyrau/gwybodaeth drwy ebost ac mae hyn yn arbed amser ac arian yn sylweddol. Gwiriwch eich cyfrif ebost yn gyson am ohebiaethau gan yr ysgol os gwelwch yn dda.

Rydym yn rheadru gwybodaeth, dyddiadau a lluniau gwahanol weithgareddau ar ein gwefan ac ar Facebook a Twitter. Hoffwch ein tudalen Facebook 'Ysgol Parc y Bont' neu ein dilyn ar y trydar @YsgolParcyBont.

Rheoliadau Diogelu Data Cyffredinol

Er mwyn cydymffurfio â Rheoliadau Diogelu Data Cyffredinol, rydym angen i chwi gwblhau'r ffurflen sydd yn cael ei hanfon adref heddiw a'i dychwelyd i'r ysgol wythnos yma os gwelwch yn dda.

Urdd

Cynhelir sesiynau Urdd pob nos Lun tan 4.15 yp ar gyfer disgyblion Derbyn – Bl.6. Mi fydd y sesiwn gyntaf wythnos nesaf 17/9/18, gyda'r sesiwn olaf ddydd Llun 10fed o Ragfyr. I fod yn rhan o weithgareddau'r Urdd; yn cynnwys eu holl weithgareddau a chystadleuthau chwaraeon; bydd rhaid ymaelodi â'r Urdd ar eu gwefan www.urdd.cymru/ymuno gan ofalu dewis Ysgol Parc y Bont ar y ffurflen.

Dyddiadau

Yn ystod yr wythnosau nesaf, byddwn yn anfon copi o galendr yr ysgol i chi gyda dyddiadau am y flwyddyn academaidd hon ac fe fyddwn yn eich hysbysu o unrhyw weithgareddau, disgwyddiadau ac ymweliadau eraill y byddwn yn eu trefnu. Mae dyddiadau gwyliau ysgol eisioes wedi'u hafon i chi drwy e-bost ac mae'r calendr ar wefan yr ysgol yn cael ei ddiweddarau'n gyson.

Partneriaeth Rheolaeth Ysgol Parc y Bont ac Ysgol Brynsiencyn

Mae'r Awdurdod Addysg Lleol wedi gofyn i Lywodraethwyr yr ysgol i barhau â'r bartneriaeth am dymor arall. O ganlyniad i hyn, byddaf yn Ysgol Brynsiencyn bob dydd Llun a dydd Iau ac mae Mr Rhys Ynys Jones wedi ei benodi'n ddirprwy bennaeth dros dro hyd at ddiwedd y tymor.

Edrychaf ymlaen am flwyddyn o gydweithio esmwyth â chwi.

Yn gywir

Iwan Wyn Taylor
(Pennaeth)





Welsh Network of Healthy School Schemes



Cynlluniau Ysgolion Iach - Rhwythwaith Cymru

